



Msaada Utokao Juu Mbinguni

Kimetungwa Na
Watson Goodman

Hakiuzwi

MSAADA UTOKAO JUU MBINGUNI

Msaada Utokao Juu Mbinguni kimetengenezwa kuwa kidogo ili kiweze kuchukuliwa na kusomwa, mtu anapomngoja mwingine. Maneno makuu yamechaguliwa kutoka katika maandiko matakatifu yaani Biblia.

Neno la Mungu “lakota juu,” nani msaada mkuu kwa mioyo yenye njaa, na kiu kwa haki. Mtu akitubu, na kuziacha dhambi, na kumwamini Mwokozi, Bwana Yesu Kristo, kwa moyo wake wote, Bwana atajidhihirisha Mwenyewe kwake, na kuleta furaha na amani katika roho ya mwamini. Nalifanyiwa hayo mwenyewe katika mwaka wa 1937, ni miaka mingi imepita, na sijaweza kuvunja uhusiano wangu na Bwana. Ninakuhimidi ujitolee kwake **SASA** ikiwa hujafanya hivyo. —Watson Goodman (1920-2002)

Scripture text reprinted from the Bible in Kiswahili by permission of United Bible Societies Africa Regional Centre, Nairobi, Kenya.

UPENDO WA MUNGU

1

Bali Mungu aonyesha pendo lake yeye mwenyewe kwetu sisi, kwa kuwa Kristo alikufa kwa ajili yetu, tulipokuwa tungali wenye dhambi.

—Warumi 5:8

Basi, kabla ya sikukuu ya Pasaka, Yesu, hali akijua ya kuwa saa yake imefika, atakayotoka katika ulimwengu kwenda kwa Baba, naye ali amewapenda watu wake katika ulimwengu, aliwapenda upeo. —Yohana 13:1

Hakuna aliye na upendo mwingi kuliko huu, wa mtu kuutoa uhai wake kwa ajili ya rafiki zake.

—Yohana 15:13

BWANA alinitokea zamani, akisema, Naam, nimekupenda kwa upe-

ndo wa milele, ndiyo maana nimekuvuta kwa fadhili zangu.

—Yeremia 31:3

Tena zitokazo kwa Yesu Kristo, shahidi aliye mwaminifu, mzaliwa wa kwanza wa waliokufa, na mkuu wa wafalme wa dunia. Yeye atuwendaye na kutuoshia dhambi zetu katika damu yake. —Ufunuo 1:5

Kwa maana jinsi hii Mungu aliupenda ulimwengu, hata akamtoa Mwanawe pekee, ili kila mtu amwaminiye asipotee, bali awe na uzima wa milele. —Yohana 3:16



Hayo yote yamekuwa, ili litimie neno lililonenwa na Bwana kwa ujumbe wa nabii akisema, Tazama, bikira atachukua mimba, Naye atazaa mwana; Nao watamwita jina lake Imanueli; Yaani, Mungu pamoja nasi. —Mathayo 1:22, 23

Hapo mwanzo kulikuwako Neno, naye Neno alikuwako kwa Mungu, naye Neno alikuwa Mungu. . . . Naye Neno alifanyika mwili, akakaa kwetu; nasi tukauona utukufu wake, utukufu kama wa Mwana pekee atokaye kwa Baba; amejaa nema na kweli. —Yohana 1:1, 14

Na bila shaka siri ya utauwa ni kuu. Mungu alidhihirishwa katika

mwili, Akajulika kuwa na haki katika roho, Akaonekana na malaika, Akahubiriwa katika mataifa, Akaaminiwa katika ulimwengu, Akachukuliwa juu katika utukufu. —1 Timotheo 3:16

Yesu akamwambia, Mimi nimekuwapo pamoja nanyi siku hizi zote, wewe usinijue, Filipino? Aliyenia mimi amemwona Baba; basi wewe wasemaje, Utuonyeshe Baba? Husadiki ya kwamba mimi ni ndani ya Baba, na Baba yu ndani yangu? —Yohana 14:9, 10a

[Yesu akamwambia,] Mimi na Baba tu umoja. —Yohana 10:30

Maana kwa ajili yetu mtoto amezaliwa, Tumepewa mtoto mwana-mume; Na uweza wa kifalme utakuwa begani mwake; Naye ataitwa jina lake, Mshauri wa ajabu, Mungu mwenye nguvu, Baba wa milele, Mfalme wa amani. —Isaya 9:6

Malaika akajibu akamwambia, Roho Mtakatifu atakujilia juu yako, na nguvu zake Aliye juu zitakufunika kama kivuli; kwa sababu hiyo hicho kitakachozaliwa kitaitwa kitakatifu, Mwana wa Mungu. —Luka 1:35

Alipokuwa katika kusema, tazama, wingu jeupe likawatia uvuli;

na tazama, sauti ikatoka katika lile wingu, ikasema, Huyu ni Mwanangu, mpendwa wangu, ninayependezwa naye; msikieni yeye.

—Mathayo 17:5

Maana katika yeye unakaa utimilifu wote wa Mungu, kwa jinsi ya kimwili. —Wakolosai 2:9

Kila akiriye ya kuwa Yesu ni Mwana wa Mungu, Mungu hukaa ndani yake, naye ndani ya Mungu. —1 Yohana 4:15

Na tazama, sauti kutoka mbinguni ikisema, Huyu ni Mwanangu, mpendwa wangu, ninayependezwa naye. —Mathayo 3:17

YESU ANATUAMBIA YEYE NI NANI

Yesu akamwambia, Mimi ndimi huo ufufuo, na uzima. Yeye aniaminiye mimi, ajapokufa, atakuwa anaishi. —Yohana 11:25

Akawaambia, Ninyi ni wa chini, mimi ni wa juu; ninyi ni wa ulimwengu huu, mimi si wa ulimwengu huu. —Yohana 8:23

Muda nilipo ulimwenguni, mimi ni nuru ya ulimwengu. —Yohana 9:5

Ninyi mwaniita, Mwalimu, na, Bwana; nanyi mwanena vema, maana ndivyo nilivyo. —Yohana 13:13

Yesu akawaambia, Mimi ndimi chakula cha uzima; yeye ajaye kwangu hataona njaa kabisa, naye aniaminiye hataona kiu kamwe. —Yohana 6:35

Yule mwanamke akamwambia, Najua ya kuwa yuaja Masihi, (aitwaye Kristo); naye atakapokuja, yeye atatufunulia mambo yote. Yesu akamwambia, Mimi ninayesema nawe, ndiye. —Yohana 4:25, 26

Yesu akamwambia, Mimi ndimi njia, na kweli, na uzima; mtu haji kwa Baba, ila kwa njia ya mimi. —Yohana 14:6

Hata alipokwisha kunena, alimwambia Simoni, Tweka mpaka kilindini, mkashushe nyavu zenu mvue samaki. Simoni akajibu akamwambia, Bwana mkubwa, tume-fanya kazi ya kuchosha usiku kucha, tusipate kitu; lakini kwa neno lako nitazishusha nyavu. Basi, walipofanya hivyo walipata samaki wengi mno, nyavu zao zikaanza kukatika. —Luka 5:4-6

Na tazama, vipofu wawili wameketi kando ya njia, nao waliposikia ya kwamba Yesu anapita, walipaza sauti, wakisema, Uturehemu, Bwana, mwana wa Daudi!

...Yesu akawahurumia, akawagusa macho yao; mara wakapata kuona, wakamfuata.

—Mathayo 20:30, 34

Akawaagiza makutano waketi katika majani; akaitwaa ile mikate mitano na wale samaki wawili, akatazama juu mbinguni, akabariki, akaimega ile mikate, akawapa wanafunzi, wanafunzi wakawapa makutano. Wakala wote wakashiba; wakayaokota masazo ya vipande vya mikate, vikapu kumi na viwili, vimejaa. Nao waliokula walikuwa wanaume wapata elfu tano, bila wanawake na watoto.

—Mathayo 14:19-21

6 YESU KRISTO NI MUUMBAJI NA BWANA

Kwa kuwa katika yeye vitu vyote viliumbwa, vilivyo mbinguni na vilivyo juu ya nchi, vinavyoonekana na visivyoonekana; ikiwa ni viti vya enzi, au usultani, au enzi, au mam-laka; vitu vyote viliumbwa kwa njia yake, na kwa ajili yake.

—Wakolosai 1:16

Mungu...mwisho wa siku hizi amesema na sisi katika Mwana, aliyemweka kuwa mrithi wa yote, tena kwa yeye aliufanya ulimwe-ngu.

—Waebrania 1:2

Basi nyumba yote ya Israeli na wajue yakini ya kwamba Mungu amemfanya Yesu huyo mliyemsu-

libisha kuwa Bwana na Kristo.

—Matendo 2:36

Maana Kristo alikufa akawa hai tena kwa sababu hii, awamiliki waliokufa na walio hai pia.

—Warumi 14:9

Mungu ni mwaminifu ambaye mliitwa na yeye mwingie katika ushirika wa Mwanawe, Yesu Kristo Bwana wetu.

—1 Wakorintho 1:9

Na kuwaangaza watu wote wajue habari za madaraka ya siri hiyo, ambayo tangu zamani zote ilisitirika katika Mungu aliyeviumba vitu vyote.

—Waefeso 3:9

Hapo atakapokuja Mwana wa Adamu katika utukufu wake, na malaika watakatifu wote pamoja naye, ndipo atakapoketi katika kiti cha utukufu wake; na mataifa yote watakusanyika mbele zake; naye atawabagua kama vile mchungaji abavyo kondoo na mbuzi.

—Mathayo 25:31, 32

Akatuagiza tuwahubiri watu na kushuhudia ya kuwa huyu ndiye aliyeamriwa na Mungu awe Mhukumu wa wahai na wafu.

—Matendo 10:42

Nakuagiza mbele za Mungu, na mbele za Kristo Yesu, atakayewahukumu walio hai na waliokufa; kwa kufunuliwa kwake na kwa

ufalme wake. —2 Timotheo 4:1

Tena Baba hamhukumu mtu ye yote, bali amempa Mwana hukumu yote.

—Yohana 5:22

Katika siku ile Mungu atakapozihukumu siri za wadamu, sawasawa na injili yangu, kwa Kristo Yesu.

—Warumi 2:16

Lakini wewe je! mbona wamhukumu ndugu yako? au wewe je! mbona wamdharau ndugu yako? Kwa maana sisi sote tutasimama mbele ya kiti cha hukumu cha Mungu. —Warumi 14:10



Mimi ndimi mlango; mtu akiingia kwa mimi, ataokoka; ataingia na kutoka, naye atapata malisho.
—Yohana 10:9

Yesu akamwambia, Mimi ndimi njia, na kweli, na uzima; mtu haji kwa Baba, ila kwa njia ya mimi.
—Yohana 14:6

Wanahesabiwa haki bure kwa neema yake, kwa njia ya ukombozi ulio katika Kristo Yesu.
—Warumi 3:24

Naye alipokwisha kukamilishwa, akawa sababu ya wokovu wa milele kwa watu wote wanaomtii.
—Waebrania 5:9

Naye, kwa sababu hii, aweza kuwaokoa kabisa wao wamjiao Mungu kwa yeye; maana yu hai siku-zote ili awaombe.

—Waebrania 7:25

Kwa hiyo naliwaambieni ya kwamba mtakufa katika dhambi zenu; kwa sababu msiposadiki ya kuwa mimi ndiye, mtakufa katika dhambi zenu.
—Yohana 8:24

Wala hakuna wokovu katika mwingine awaye yote, kwa maana hapana jina jingine chini ya mbingu walilopewa wanadamu litupasalo sisi kuokolewa kwalo.

—Matendo 4:12

UKOMBOZI KUPITIA KRISTO PEKEE

9

Nao waimba wimbo mpya waki-sema, Wastahili wewe kukitwaa hi-cho kitabu na kuzifungua muhuri zake; kwa kuwa ulichinjwa, ukamnunulia Mungu kwa damu yako watu wa kila kabila na lugha na jamaa na taifa. —Ufunuo 5:9

Kwa kuwa Mwana wa Adamu alikuja kutafuta na kuokoa kile kilichopotea. —Luka 19:10

Mkimshukuru Baba, aliyewastahilisha kupokea sehemu ya urithi wa watakatifu katika nuru. Naye alituokoa katika nguvu za giza, akatuhamisha na kutuingiza katika ufalme wa Mwana wa pendo lake; ambaye katika yeye tuna uko-

mbozi, yaani, msamaha wa dhambi. —Wakolosai 1:12-14

Ambaye alijitoa nafsi yake kwa ajili yetu, ili atukomoe na maasi yote, na kujisafishia watu wawe milki yake mwenyewe, wale walio na juhudi katika matendo mema. —Tito 2:14

Bali kwa yeye ninyi mmepata kuwa katika Kristo Yesu, aliyefanywa kwetu hekima itokayo kwa Mungu, na haki, na utakatifu, na ukombozi. —1 Wakorintho 1:30

Mkaenende katika upendo, kama Kristo naye alivyowapenda ninyi. —Waefeso 5:2a

Nanyi mfahamu kwamba mli-kombolewa si kwa vitu viharibi-kavyo, kwa fedha au dhahabu; mpate kutoka katika mwenendo wenu usiofaa mlioupokea kwa ba-ba zenu; bali kwa damu ya tha-mani, kama ya mwana-kondoo asiye na ila, asiye na waa, yaani, ya Kristo. —1 Petro 1:18, 19

Bali tukienenda nuruni, kama ye-ye alivyo katika nuru, twashirikia-na sisi kwa sisi, na damu yake Ye-su, Mwana wake, yatusafisha dha-mbi yote. —1 Yohana 1:7

Basi si zaidi damu yake Kristo, ambaye kwamba kwa Roho wa milele alijitoa nafsi yake kwa Mu-

ngu kuwa sadaka isiyo na mawaa, itawasafisha dhamiri zenu na ma-tendo mafu, mpate kumwabudu Mungu aliye hai? —Waebrania 9:14

Basi zaidi sana tukiisha kuhe-sabiwa haki katika damu yake, tutaokolewa na ghadhabu kwa yeye. —Warumi 5:9

Katika yeye huyo, kwa damu ya-ke, tunao ukombozi wetu, masama-ha ya dhambi, sawasawa na wingi wa neema yake. —Waefeso 1:7

Kwa maana hii ndiyo damu ya-ngu ya agano, imwagikayo kwa aji-li ya wengi kwa ondoleo la dha-mbi. —Mathayo 26:28

Kwa maana mmeokolewa kwa neema, kwa njia ya imani; ambayo hiyo haikutokana na nafsi zenu, ni kipawa cha Mungu; wala si kwa matendo, mtu awaye yote asije akajisifu. —Waefeso 2:8, 9

Basi tukiisha kuhesabiwa haki itokayo katika imani, na tuwe na amani kwa Mungu, kwa njia ya Bwana wetu Yesu Kristo.

—Warumi 5:1

Basi wakamwambia, Tufanyeje ili tupate kuzitenda kazi za Mungu? Yesu akajibu, akawaambia, Hii ndiyo kazi ya Mungu, mmwamini yeye aliyetumwa na yeye.

—Yohana 6:28, 29

Lakini hizi zimeandikwa; ili mpatite kuamini ya kwamba Yesu ndiye Kristo, Mwana wa Mungu; na kwa kuamini mwe na uzima kwa jina lake.

—Yohana 20:31

Kwa maana kila kitu kilichoza-liwa na Mungu huushinda ulimwengu; na huku ndiko kushinda kuu-shindako ulimwengu, hiyo imani yetu.

—1 Yohana 5:4

Wakamwambia, Mwamini Bwana Yesu, nawe utaokoka pamoja na nyumba yako.

—Matendo 16:31

Maana katika Kristo Yesu kutahiriwa hakufai neno, wala kutokutahiriwa, bali imani itendayo kazi kwa upendo.

—Wagalatia 5:6

12 REHEMA YA MUNGU

Maana mbingu zilivyo inuka juu ya nchi, Kadiri ileile rehema zake ni kuu kwa wamchao.

—Zaburi 103:11

Bali fadhili za BWANA zina wamchao Tangu milele hata milele, Na haki yake ina wana wa wana.

—Zaburi 103:17

Ni nani aliye Mungu kama we-we, mwenye kusamehe uovu, na kuliachilia kosa la watu wa urithi wake waliosalia? hashiki hasira yake milele, kwa maana yeye hufurahia rehema. —Mika 7:18

Si kwa sababu ya matendo ya haki tuliyoyatenda sisi; bali kwa

rehema yake, kwa kuoshwa kwa kuzaliwa kwa pili na kufanywa upya na Roho Mtakatifu. —Tito 3:5

Maana fadhili zako ni kubwa hata mbinguni, Na uaminifu wako hata mawinguni. —Zaburi 108:4

Ni huruma za BWANA kwamba hatuangamii, Kwa kuwa rehema zake hazikomi. Ni mpya kila siku asubuhi; Uaminifu wako ni mkuu.

—Maombolezo 3:22, 23

Na ahimidiwe Mungu, Baba wa Bwana wetu Yesu Kristo, Baba wa rehema, Mungu wa faraja yote.

—2 Wakorintho 1:3

Haya, njoni, tusemezane, asema **BWANA**. Dhambi zenu zijapokuwa nyekundu sana, zitakuwa nyeupe kama theluji; zijapokuwa nyekundu kama bendera, zitakuwa kama sifu. —Isaya 1:18

Haya, kila aonaye kiu, njoni majini, Naye asiye na fedha; njoni, nunueni mle; Naam, njoni, nunueni divai na maziwa, Bila fedha na bila thamani. —Isaya 55:1

Njoni kwangu, ninyi nyote msumbukao na wenye kulemewa na mizigo, nami nitawapumzisha. —Mathayo 11:28

Na Roho na Bibi-arusi wasema, Njoo! Naye asikiaye na aseme, Njoo! Naye mwenye kiu na aje; na yeye atakaye, na ayatwae maji ya uzima bure. —Ufunuo 22:17

Hata siku ya mwisho, siku ile kubwa ya sikukuu, Yesu akasimama, akapaza sauti yake akisema, Mtu akiona kiu, na aje kwangu anywe. —Yohana 7:37

Basi tu wajumbe kwa ajili ya Kristo, kana kwamba Mungu anasihhi kwa vinywa vyetu; twawaoomba ninyi kwa ajili ya Kristo mpamtanishwe na Mungu. —2 Wakorintho 5:20

14 WATU WOTE SIO WATOTO WA MUNGU

Katika hili watoto wa Mungu ni dhahiri, na watoto wa Ibilisi nao. Mtu ye yote asiyetenda haki hatokani na Mungu, wala yeye asiye-mpenda ndugu yake.

—1 Yohana 3:10

Kwa kuwa wote wanaoongozwa na Roho wa Mungu, hao ndio wana wa Mungu. Kwa kuwa hamkupokea tena roho ya utumwa ile-tayo hofu; bali mlipokea roho ya kufanywa wana, ambayo kwa hiyo twalia, Aba, yaani, Baba.

—Warumi 8:14, 15

Mpate kuwa wana wa Mungu wasio na lawama, wala udangan-yifu, wasio na ila kati ya kizazi

chenye ukaidi, kilichopotoka; ambao kati ya hao mnaonekana kuwa kama mianga katika ulimwengu. —Wafilipi 2:15

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake. —Yohana 1:12

Kwa hiyo, Tokeni kati yao, Mkatengwe nao, asema Bwana, Msigu-se kitu kilicho kichafu, Nami nita-wakaribisha. Nitakuwa Baba kwe-nu, Nanyi mtakuwa kwangu wa-nangu wa kiume na wa kike, asema Bwana Mwenyezi.

—2 Wakorintho 6:17, 18

Iko njia ionekanayo kuwa sawa machoni pa mtu; Lakini mwisho wake ni njia za mauti.

—Mithali 16:25

Hata alipokuwa akitoka kwenda njiani, mtu mmoja akaja mbio, akampigia magoti, akamwuliza, Mwalimu mwema, nifanye nini nipate kuurithi uzima wa milele? Yesu akamwambia, Kwa nini kuniita mwema? hakuna aliye mwema ila mmoja, ndiye Mungu. Wazijua amri, Usiue, Usizini, Usiibe, Usishuhudie uongo, Usidanganye, Waheshimu baba yako na mama yako. Akamwambia, Mwalimu, haya yote nimeyashika tangu utoto

wangu. Yesu akamkazia macho, akampenda, akamwambia, Umepungukiwa na neno moja. Enenda, ukauze ulivyo navyo vyote, uwape maskini, nawe utakuwa na hazina mbinguni; kisha njoo unifuata. Wala-kini yeye akakunja uso kwa neno hilo, akaenda zake kwa huzuni; kwa sababu alikuwa na mali nyingi.

—Marko 10:17-22

Akamwambia, Mpende Bwana Mungu wako kwa moyo wako wote, na kwa roho yako yote, na kwa akili zako zote. Hii ndiyo amri iliyo kuu, tena ni ya kwanza.

—Mathayo 22:37, 38

Au hamjui ya kuwa wadhalimu hawataurithi ufalme wa Mungu? Msidanganyike; waasherati hawataurithi ufalme wa Mungu, wala waabudu sanamu, wala wazinzi, wala wafiraji, wala walawiti, wala wevi, wala watamano, wala walevi, wala watukanaji, wala wanyang'anyi. —1 Wakorintho 6:9, 10

Maana mtu akijiona kuwa ni kitu, naye si kitu, ajidanganya nafsi yake. —Wagalatia 6:3

Lakini iweni watendaji wa neno, wala si wasikiaji tu, hali mkijidanganya nafsi zenu. —Yakobo 1:22

Watoto wadogo, mtu na asiwadanganye; atendaye haki yuna haki, kama yeye alivyo na haki; atendaye dhambi ni wa Ibilisi; kwa kuwa Ibilisi hutenda dhambi tangu mwanzo. —1 Yohana 3:7, 8a

Kwa sababu wengi watakuja kwa jina langu, wakisema, Mimi ni Kristo; nao watadanganya wengi.

—Mathayo 24:5

Mtu asiwadanganye kwa maneno yasiyo na maana; kwa kuwa kwa sababu ya hayo hasira ya Mungu huwajia wana wa uasi.

—Waefeso 5:6

ASEMAYO MUNGU KUHUSU KINYWAJI CHA KULEVYA

17

Usiitazame mvinyo iwapo ni nyekundu; Iitiapo bilauri rangi yake, ishukapo taratibu; Mwisho wake huuma kama nyoka; Huchoma kama fira. —Mithali 23:31, 32

Ole wao waamkao asubuhi na mapema, wapate kufuata kileo; waki-shinda sana hata usiku wa manane mpaka mvinyo imewaka kama moto ndani yao! —Isaya 5:11

Basi matendo ya mwili ni dhahiri, ndiyo haya, uasherati, uchafu, ufisadi, ibada ya sanamu, uchawi, uadui, ugomvi, wivu, hasira, fitina, faraka, uzushi, husuda, ulevi, ulafi, na mambo yanayofanana na

hayo; katika hayo nawaambia mapema, kama nilivyokwisha kuwaambia, ya kwamba watu wataendao mambo ya jinsi hiyo hawataurithi ufalme wa Mungu.

—Wagalatia 5:19-21

Kama ilivyohusika na mchana na tuenende kwa adabu; si kwa ulafi na ulevi, si kwa ufisadi na uasherati, si kwa ugomvi na wivu. Bali mvaeni Bwana Yesu Kristo, wala msiuangalie mwili, hata kuwasha tamaa zake. —Warumi 13:13, 14

Mvinyo hudhihaki, kileo huleta ugomvi; Na akosaye kwa vitu hivyo hana hekima. —Mithali 20:1

Haki huelekea uzima; Afuataye maovu hufuata mauti yake mwenyewe. —Mithali 11:19

Kwa hiyo, kama kwa mtu mmoja dhambi iliingia ulimwenguni, na kwa dhambi hiyo mauti; na hivyo mauti ikawafikia watu wote kwa sababu wote wamefanya dhambi. —Warumi 5:12

Tena, kufanya furaha na shangwe ilipasa, kwa kuwa huyu ndugu yako alikuwa amekufa, naye amefufuka; alikuwa amepotea, naye ameonekana. —Luka 15:32

Halafu ile tamaa ikiisha kuchukua mimba huzaa dhambi, na ile

dhambi ikiisha kukomaa huzaa mauti. —Yakobo 1:15

Kwa kuwa nia ya mwili ni mauti; bali nia ya roho ni uzima na amani. Kwa kuwa ile nia ya mwili ni uadui juu ya Mungu, kwa maana haitii sheria ya Mungu, wala haiwezi kuitii. —Warumi 8:6, 7

Roho itendayo dhambi, ndiyo itakayokufa; mwana hatauchukua uovu wa baba yake, wala baba hatauchukua uovu wa mwanawe; haki yake mwenye haki itakuwa juu yake, na uovu wake mwenye uovu utakuwa juu yake. —Ezekieli 18:20

Kwa maana mshahara wa dhambi ni mauti. —Warumi 6:23a

Akakaribia, akaligusa jeneza; wale waliokuwa wakilichukua wakasi-mama. Akasema, Kijana, nakua-ambia, Inuka. Yule maiti akainuka, akaketi, akaanza kusema. Akampa mama yake. —Luka 7:14, 15

Na aliye hai; nami nalikuwa nimekufa, na tazama, ni hai hata milele na milele. Nami ninazo funguo za mauti, na za kuzimu.

—Ufunuo 1:18

Ndiposa Baba anipenda, kwa sababu nautoa uhai wangu ili niutwae tena. Hakuna mtu aniondo-leaye, bali mimi nautoa mwenyewe. Nami ninao uweza wa kuutoa,

ninao na uweza wa kuutwaa tena. Agizo hilo nalilipokea kwa Baba yangu. —Yohana 10:17, 18

Maana sharti amiliki yeye, hata awaweke maadui wake wote chini ya miguu yake. Adui wa mwisho atakayebatilishwa ni mauti.

—1 Wakorintho 15:25, 26

Naye akiisha kusema hayo, akalia kwa sauti kuu, Lazaro, njoo huku nje. Akatoka nje yule aliyekufa, amefungwa sanda miguuni na mikononi, na uso wake amefungwa lesu. Naye Yesu akawaambia, Mfungueni, mkamwache aende zake.

—Yohana 11:43, 44

Usiwe na miungu mingine ila mi-mi.

Usijifanyie sanamu ya kuchonga, mfano wa kitu cho chote kilicho juu mbinguni, au kilicho chini duniani, au kilicho majini chini ya nchi. Usi-visujudie wala kuvitumikia.

Usilitaje bure Jina la BWANA, Mungu wako; maana BWANA hata-mhesabia kuwa hana hatia, mtu alitajaye jina lake bure.

Ishike siku ya sabato uitakase, kama BWANA, Mungu wako, ali-vyokuamuru. Siku sita fanya kazi, utende mambo yako yote; lakini siku ya saba ni sabato ya BWANA, Mungu wako.... Waheshimu baba

yako na mama yako; kama BWANA, Mungu wako, alivyokuamuru, siku zako zipate kuzidi....

Usiue.

Wala usizini.

Wala usiibe.

Wala usimshuhudie jirani yako uongo.

Wala usimtamani mke wa jirani yako; wala usiitamani nyumba ya jirani yako, wala shamba lake, wala mtumwa wake, wala mjakazi wake, wala ng'ombe wake, wala punda wake, wala kitu cho chote ali-cho nacho jirani yako.

—Kumbukumbu La Torati 5:7-21

HUWEZI KUJIFICHA KUTOKA KWA MUNGU 21

Niende wapi nijiepushe na roho yako? Niende wapi niukimbie uso wako? Kama ningepanda mbinguni, Wewe uko; Ningefanya kuzimu kitanda changu, Wewe uko... Giza nalo halikufichi kitu, Bali usiku huangaza kama mchana; Giza na mwanga kwako ni sawasawa.

—Zaburi 139:7, 8, 12

Ili wamtafute Mungu, ingawa ni kwa kupapasa-papasa, wakamwone, ijapokuwa hawi mbali na kila mmoja wetu. —Matendo 17:27

Kwa maana hakuna neno lililositirika ambalo halitafunuliwa; wala lililofichwa ambalo halitajulikana na kutokea wazi. —Luka 8:17

Macho ya BWANA yako kila mahali; Yakimchunguza mbaya na mwema. —Mithali 15:3

Kwani macho yake ya juu ya njia za mtu, Naye huiona miendo yake yote. Hapana weusi, wala hilo giza tupu, Wawezapo kujificha wate ndao udhalimu. —Ayubu 34:21, 22

Je, mtu ye yote aweza kujificha mahali pa siri, nisimwone? asema BWANA. Je! mbingu na nchi hazikujawa nami? asema BWANA.

—Yeremia 23:24

Wala hakuna kiumbe kisichokuwa wazi mbele zake, lakini vitu vyote vi utupu na kufunuliwa machoni pake yeye. —Waebrania 4:13a

Na hao watakwenda zao kuingia katika adhabu ya milele; bali wenyewe haki watakwenda katika uzima wa milele. —Mathayo 25:46

Mwana wa Adamu atawatuma malaika zake, nao watakusanya kutoka katika ufalme wake machukizo yote, na hao watendao maasi, na kuwatupa katika tanuru ya moto; ndiko kutakuwako kilio na kusaga meno. —Mathayo 13:41, 42

Wadhalimu watarejea kuzimu, Naam, mataifa yote wanaomsahau Mungu. —Zaburi 9:17

Lakini mbingu za sasa na nchi zimewekwa akiba kwa moto, kwa

neni lilo hilo, zikilindwa hata siku ya hukumu, na ya kuangamia kwao wanadamu wasiomcha Mungu.

—2 Petro 3:7

Basi mkono wako au mguu wako ukikukosesha, ukate, ukautupe mbali nawe; ni afadhali kuingia katika uzima hali umepungukiwa na mkono au mguu, kuliko kuwa na mikono miwili au miguu miwili, na kutupwa katika moto wa milele.

—Mathayo 18:8

Watakaoadhibiwa kwa maangamizi ya milele, kutengwa na uso wa Bwana na utukufu wa nguvu zake. —2 Wathesalonike 1:9

Na kama vile watu wanavyowekewa kufa mara moja, na bada ya kufa hukumu.

—Waebrania 9:27

Kwa maana imetupasa sisi sote kudhihirishwa mbele ya kiti cha hukumu cha Kristo, ili kila mtu apokee ijara ya mambo aliyotenda kwa mwili, kadiri alivyotenda, kwamba ni mema au mabaya.

—2 Wakorintho 5:10

Basi, Bwana ajua kuwaokoa watauwa na majaribu, na kuwaweka wasio haki katika hali ya adhabu hata siku ya hukumu.

—2 Petro 2:9

Kwa maana ameweka siku atakayowahukumu walimwengu kwa haki, kwa mtu yule aliyemchagua; naye amewapa watu wote uthabiti wa mambo haya kwa kumfufua katika wafu.

—Matendo 17:31

Katika hili pendo limekamilishwa kwetu, ili tuwe na ujasiri katika siku ya hukumu; kwa kuwa, kama yeye alivyo, ndivyo tulivyo na sisi ulimwenguni humu.

—1 Yohana 4:17

Basi ni hivyo, kila mtu miongoni mwetu atatoa habari zake mwenyewe mbele za Mungu.

—Warumi 14:12

Maana mmejua neema ya Bwana wetu Yesu Kristo, jinsi alivyokuwa maskini kwa ajili yenu, ingawa alikuwa tajiri, ili kwamba ninyi mpate kuwa matajiri kwa umaskini wake. —2 Wakorintho 8:9

Na mitume wakatoa ushuhuda wa kufufuka kwake Yesu kwa nguvu nyingi, na neema nyingi ikawa juu yao wote. —Matendo 4:33

Mungu huwapinga wenye kiburi, lakini huwapa wanyenyekevu neema. —1 Petro 5:5b

Lakini karama ile haikuwa kama lile kosa; kwa maana ikiwa kwa kukosa kwake yule mmoja wengi

walikufa, zaidi sana neema ya Mungu, na kipawa kilicho katika neema yake mwanadamu mmoja Yesu Kristo kimezidi kwa ajili ya wale wengi. —Warumi 5:15

Ili tukihesabiwa haki kwa neema yake, tupate kufanywa warithi wa uzima wa milele, kama lilivyo tumaini letu. —Tito 3:7

Mungu ashukuriwe kwa sababu ya kipawa chake, tusichoweza kukisifu kama ipasavyo.

—2 Wakorintho 9:15

Bali twaamini kwamba tutaoka kwa neema ya Bwana Yesu vile vile kama wao. —Matendo 15:11

Tupilieni mbali nanyi makosa yenu yote mliyoyakosa; jifanyieni moyo mpya na roho mpya.

—Ezekieli 18:31a

Tubuni; kwa maana ufalme wa mbinguni umekaribia.

—Mathayo 3:2

Nawaambia, Sivyo; lakini msipotubu, ninyi nyote mtaangamia vivyo hivyo.

—Luka 13:3

Basi, zamani zile za ujinga Mungu alijifanya kama hazioni; bali sasa anawaagiza watu wote wa kila mahali watubu. —Matendo 17:30

Tubuni mkabatizwe kila mmoja kwa jina lake Yesu Kristo, mpate

ondoleo la dhambi zenu, nanyi mta-pokea kipawa cha Roho Mtakati-fu. Tubuni basi, mrejee, ili dhambi zenu zifutwe, zipate kuja nyakati za kuburudishwa kwa kuwako kwa-ke Bwana. —Matendo 2:38b; 3:19

Maana huzuni iliyo kwa jinsi ya Mungu hufanya toba liletalo wokuvu lisilo na majuto; bali huzuni ya dunia hufanya mauti.

—2 Wakorintho 7:10

Nawaambia, Vivyo hivyo kutakuwa na furaha mbinguni kwa ajili ya mwenye dhambi mmoja atubuye, kuliko kwa ajili ya wenye haki tisini na kenda ambao hawana haja ya kutubu. —Luka 15:7

Naye Yesu, alipoiona imani yao, akamwambia yule mwenye kupoza, Mwanangu, umesamehewa dhambi zako. —Marko 2:5

Mtu huyo Mungu amemtukuza kwa mkono wake wa kuume, awe Mkuu na Mwokozi, awape Wa-israeli toba na msamaha wa dhambi. —Matendo 5:31

Lakini mtu mbaya akighairi, na kuacha dhambi zake zote alizozitenda, na kuzishika amri zangu zote, na kutenda yaliyo halali na haki, hakika ataishi, hatakufa.

—Ezekieli 18:21

Mtu mbaya na aache njia yake, Na mtu asiye haki aache mawazo

yake; Na amrudie BWANA, Naye atamrehemu; Na arejee kwa Mungu wetu, Naye atamsamehe kabisa.

—Isaya 55:7

Tazama, nasimama mlangoni, nabisha; mtu akiisikia sauti yangu, na kuufungua mlango, nitaingia kwake, nami nitakula pamoja naye, na yeye pamoja nami.

—Ufunuo 3:20

Kwa maana mkiwasamehe watu makosa yao, na Baba yenu wa mbinguni atawasamehe ninyi.

—Mathayo 6:14

Na kwamba mataifa yote watahubiriwa kwa jina lake habari ya toba na ondoleo la dhambi. —Luka 24:47a

Wala msishirikiane na matendo yasiyozaa ya giza, bali myakemee.

—Waefeso 5:11

Jiosheni, jitakaseni; ondoeni uovu wa matendo yenu usiwe mbele za macho yangu; acheni kutenda mabaya.

—Isaya 1:16

Yafikirini yaliyo juu, siyo yaliyo katika nchi.

—Wakolosai 3:2

Enyi wazinzi, hamjui ya kwamba kuwa rafiki wa dunia ni kuwa adui wa Mungu? basi kila atakaye kuwa rafiki wa dunia hujifanya kuwa adui wa Mungu.

—Yakobo 4:4

Msiipende dunia, wala mambo yaliyomo katika dunia. Mtu akiipe-

nda dunia, kumpenda Baba haku-mo ndani yake. Maana kila kili-chomo duniani, yaani, tamaa ya mwili, na tamaa ya macho, na kiburi cha uzima, havitokani na Baba, bali vyatokana na dunia.

—1 Yohana 2:15, 16

Maana neema ya Mungu iwakoayo wanadamu wote imefunuliwa; nayo yatufundisha kukataa ubaya na tamaa za kidunia; tuate kuishi kwa kiasi, na haki, na utauwa, katika ulimwengu huu wa sasa.

—Tito 2:11, 12

Msifungiwe nira pamoja na wasioamini, kwa jinsi isivyo sawasawa.

—2 Wakorintho 6:14a

Nami nitawapa ninyi moyo mpya, nami nitatia roho mpya ndani yenu, nami nitatoa moyo wa jiwe uliomo ndani ya mwili wenu, nami nitawapa moyo wa nyama.

—Ezekieli 36:26

Kama mkijua ya kuwa yeye ni mwenye haki, jueni ya kuwa kila atendaye haki amezaliwa na yeye. Twajua ya kuwa kila mtu aliyezaliwa na Mungu hatendi dhambi; bali yeye aliyezaliwa na Mungu hujilinda, wala yule mwovu hamgusi.

—1 Yohana 2:29; 5:18

Kwa kuwa mmezaliwa mara ya pili; si kwa mbegu iharibikayo, bali

kwa ile isiyoharibika; kwa neno la Mungu lenye uzima, lidumulo hata milele.

—1 Petro 1:23

Hata imekuwa, mtu akiwa ndani ya Kristo amekuwa kiumbe kipya; ya kale yamepita; tazama! yamekuwa mapya.

—2 Wakorintho 5:17

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake.

—Yohana 1:12

Yesu akajibu, akamwambia, Amin, amin, nakuambia, Mtu asipozaliwa mara ya pili, hawezi kuuona ufalme wa Mungu.

—Yohana 3:3

WAFU KWA DHAMBI— KUFUFUKA KATIKA KRISTO

29

Nanyi mlikuwa wafu kwa sababu ya makosa na dhambi zenu; ...Akatufufua pamoja naye, akatuketisha pamoja naye katika ulimwengu wa roho, katika Kristo Yesu.

—Waefero 2:1, 6

Sisi tulioifia dhambi tutaishije tena katika dhambi? Vivyo hivyo ninyi nanyi jihesabuni kuwa wafu kwa dhambi, na walio hai kwa Mungu katika Kristo Yesu.

—Warumi 6:2b, 11

Basi mkiwa mmefufuliwa pamoja na Kristo, yatafuteni yaliyo juu, Kristo aliko, ameketi mkono wa kuume wa Mungu. Kwa maana

mlikufa, na uhai wenu umefichwa pamoja na Kristo katika Mungu. Kristo atakapofunuliwa, aliye uhai wetu, ndipo na ninyi mtafunuliwa pamoja naye katika utukufu.

—Wakolosai 3:1, 3, 4

Yeye mwenyewe alizichukua dhambi zetu katika mwili wake juu ya mti; ili, tukiwa wafu kwa mambo ya dhambi, tuwe hai kwa mambo ya haki; na kwa kupigwa kwake mliponywa.

—1 Petro 2:24

Na hao walio wa Kristo Yesu wameusulibisha mwili pamoja na mawazo yake mabaya na tamaa zake.

—Wagalatia 5:24

Amin, amin, nawaambia, Yeye alisikiaye neno langu na kumwamini yeye aliyenipeleka yuna uzima wa milele; wala haingii hukumuni, bali amepita kutoka mauti ni kuingia uzimani. —Yohana 5:24

Na uzima wa milele ndio huu, Wakujue wewe, Mungu wa pekee wa kweli, na Yesu Kristo uliyemtuma. —Yohana 17:3

Kwa maana mshahara wa dhambi ni mauti; bali karama ya Mungu ni uzima wa milele katika Kristo Yesu Bwana wetu.

—Warumi 6:23

Na kama vile Musa alivyomwina yule nyoka jangwani, vivyo

hivyo Mwana wa Adamu hana budi kuinuliwa; ili kila mtu aaminiye awe na uzima wa milele katika yeye. —Yohana 3:14, 15

Amwaminiye Mwana yuna uzima wa milele; asiyemwamini Mwana hataona uzima, bali ghadhabu ya Mungu inamkalia. —Yohana 3:36

Maana yeye apandaye kwa mwili wake, katika mwili wake atavuna uharibifu; bali yeye apandaye kwa Roho, katika Roho atavuna uzima wa milele. —Wagalatia 6:8

Na huu ndio ushuhuda, ya kwamba Mungu alitupa uzima wa milele; na uzima huu umo katika Mwanawe. —1 Yohana 5:11

Na kwa kuwa ninyi mmekuwa wana, Mungu alimtuma Roho wa Mwanawe mioyoni mwetu, aliaye, Aba, yaani, Baba. —Wagalatia 4:6

Katika hili tunafahamu ya kuwa tunakaa ndani yake, naye ndani yetu, kwa kuwa ametushirikisha Roho wake. —1 Yohana 4:13

Yeye aliye na amri zangu, na kuzishika, yeye ndiye anipendaye; naye anipendaye atapendwa na Baba yangu; nami nitampenda na kujidhirisha kwake. —Yohana 14:21

Yeye aliye naye Mwana, anao huo uzima; asiye naye Mwana wa Mungu hana huo uzima. Nimewaandi-

kia ninyi mambo hayo, ili mjue ya kuwa mna uzima wa milele, ninyi mnaoliamini Jina la Mwana wa Mungu. —1 Yohana 5:12, 13

Roho mwenyewe hushuhudia pamoja na roho zetu, ya kuwa sisi tu watoto wa Mungu. —Warumi 8:16

Watoto wadogo, tusipende kwa neno, wala kwa ulimi, bali kwa tendo na kweli. —1 Yohana 3:18

Naye azishikaye amri zake hukaa ndani yake yeye, naye ndani yake. Na katika hili tunajua ya kuwa anakaa ndani yetu, kwa huyo Roho aliyetupa. —1 Yohana 3:24

32 KRISTO AISHIYE NDANI HULETA FURAHA

Na sasa naja kwako; na maneno haya nayasema ulimwenguni, ili wawe na furaha yangu imetimizwa ndani yao. —Yohana 17:13

Basi, kwa furaha mtateka maji katika visima vya wokovu. —Isaya 12:3

Maana ufalme wa Mungu si kula wala kunywa, bali ni haki na amani na furaha katika Roho Mtakatifu. —Warumi 14:17

Kristo akae mioyoni mwenu kwa imani mkiwa na shina na msingi katika upendo. —Waefeso 3:17

Utanjulisha njia ya uzima; Mbele za uso wako ziko furaha tele; Na

katika mkono wako wa kuume Mna mema ya milele. —Zaburi 16:11

Nimesulibiwa pamoja na Kristo; lakini ni hai; wala si mimi tena, bali Kristo yu hai ndani yangu; na uhai nilio nao sasa katika mwili, ninao katika imani ya Mwana wa Mungu, ambaye alinipenda akajittoa nafsi yake kwa ajili yangu. —Wagalatia 2:20

Hayo nimewaambia, ili furaha yangu iwe ndani yenu, na furaha yenu itimizwe. —Yohana 15:11

Na mioyo yenu itafurahi, na furaha yenu hakuna awaondoleaye. —Yohana 16:22b

Hivyo watu wote watatambua ya kuwa ninyi mmekuwa wanafunzi wangu, mkiwa na upendo ninyi kwa ninyi. —Yohana 13:35

Akamwambia tena mara ya pili, Simoni wa Yohana, wanipenda? Akamwambia, Ndiyo, Bwana, we-we wajua kuwa nakupenda. Akamwambia, Chunga kondoo zangu. —Yohana 21:16

Nijaposema kwa lugha za wadamu na za malaika, kama sina upendo, nimekuwa shaba iliayo na upatu uvumao. —1 Wakorintho 13:1

Lakini tunda la Roho ni upendo, furaha, amani, uvumilivu, utu we-

ma, fadhili, uaminifu, upole, kiasi. —Wagalatia 5:22, 23a

Mtu akisema, Nampenda Mungu, naye anamchukia ndugu yake, ni mwongo; kwa maana asiye-mpenda ndugu yake ambaye amemwona, hawezi kumpenda Mungu ambaye hakumwona.

—1 Yohana 4:20

Kwa maana huku ndiko kumpenda Mungu, kwamba tuzishike amri zake. —1 Yohana 5:3a

Sisi tunajua ya kuwa tumepita toka mautini kuingia uzimani, kwa maana twawapenda ndugu.

—1 Yohana 3:14a

Basi, kila mtu atakayenikiri mbele ya watu, nami nitamkiri mbele za Baba yangu aliye mbinguni. Bali mtu ye yote atakayenikana mbele ya watu, nami nitamkana mbele za Baba yangu aliye mbinguni.

—Mathayo 10:32, 33

Katika hili mwamjua Roho wa Mungu; kila roho ikiriyo kwamba Yesu Kristo amekuja katika mwili yatokana na Mungu.

—1 Yohana 4:2

Kwa sababu, ukimkiri Yesu kwa kinywa chako ya kuwa ni Bwana, na kuamini moyoni mwako ya kuwa Mungu alimfufua katika wafu,

utaokoka. Kwa maana kwa moyo mtu huamini hata kupata haki, na kwa kinywa hukiri hata kupata wokovu. —Warumi 10:9, 10

Kwa sababu kila atakayenionea haya mimi na maneno yangu, Mwana wa Adamu atamwonea haya mtu huyo, atakapokuja katika utukufu wake na wa Baba na wa malaika watakatifu. —Luka 9:26

Kila amkanaye Mwana, hanaye Baba; amkiriye Mwana anaye Baba pia. —1 Yohana 2:23

Na kila ulimi ukiri ya kuwa YESU KRISTO NI BWANA, kwa utukufu wa Mungu Baba. —Wafilipi 2:11



Hamjui ya kuwa kwake yeye ambaye mnajitoa nafsi zenu kuwa watumwa wake

katika kumtii, mmekuwa watumwa wake yule mnayemtii, kwamba ni utumishi wa dhambi uletao mauti, au kwamba ni utumishi wa utii uletao haki. —Warumi 6:16

Na kuwalipa ninyi mteswao raha pamoja na sisi; wakati wa kufunuliwa kwake Bwana Yesu kutoka mbinguni pamoja na malaika wa uweza wake; katika mwali wa moto; huku akiwalipiza kisasi wao wasiomjua Mungu, na wao wasioitii Injili ya Bwana wetu Yesu; wata-

kaoadhibiwa kwa maangamizi ya milele, kutengwa na uso wa Bwana na utukufu wa nguvu zake.
—2 Wathesalonike 1:7-9

Bali msipoisikia sauti ya BWANA, mkiiasi amri ya BWANA, ndipo mkono wa BWANA utakuwa juu yenu, kama ulivyokuwa juu ya baba zenu.
—1 Samweli 12:15

Angalieni, nawawekea mbele yenu hivi leo baraka na laana; baraka ni hapo mtakapoyasikiza maagizo ya BWANA, Mungu wenu, ni waagizayo leo; na laana ni hapo msi-posikiza maagizo ya BWANA, Mungu wenu.
—Kumbukumbu La Torati 11:26-28a

Mwe na kiasi na kukesha; kwa kuwa mshitaki wenu Ibilisi, kama simba angurumaye, huzunguka-zunguka, akitafuta mtu ammeze. Nanyi mpingeni huyo, mkiwa thabiti katika imani. —1 Petro 5:8, 9a

Hatimaye, mzidi kuwa hodari katika Bwana na katika uweza wa nguvu zake. Vaeni silaha zote za Mungu, mpate kuweza kuzipinga hila za Shetani. —Waefeso 6:10, 11

Kisha Yesu alipandishwa na Roho nyikani, ili ajaribiwe na Ibilisi. Ndipo Yesu alipomwambia, Nenda zako, Shetani; kwa maana imeandikwa, Msujudie Bwana Mungu wako, umwabudu yeye peke yake.

Kisha Ibilisi akamwacha; na tazama, wakaja malaika wakamtumikia. —Mathayo 4:1, 10, 11

Hapo ndipo atakapofunuliwa yule asi, ambaye Bwana Yesu atamwua kwa pumzi ya kinywa chake, na kumwangamiza kwa ufunuo wa kuwapo kwake; yule ambaye kuja kwake ni kwa mfano wa kutenda kwake Shetani, kwa uwezo wote, na ishara na ajabu za uongo.

—2 Wathesalonike 2:8, 9

Mwivi haji ila aibe na kuchinja na kuharibu; mimi nalikuja ili wawe na uzima, kisha wawe nao tele. —Yohana 10:10

Basi mtiini Mungu. Mpingeni Shetani, naye atawakimbia. Mkaribieni Mungu, naye atawakaribia ninyi. —Yakobo 4:7, 8a

Basi, kwa kuwa watoto wameshiriki damu na mwili, yeye naye vivyo hivyo alishiriki yayo hayo, ili kwa njia ya mauti amharibu yeye aliyekuwa na nguvu za mauti, yaani, Ibilisi. —Waebrania 2:14

Sasa hukumu ya ulimwengu huu ipo; sasa mkuu wa ulimwengu huu atatupwa nje. —Yohana 12:31

Uwafumbue macho yao, na kuwageuza waiache giza na kuielekea nuru, waziache na nguvu za Shetani na kumwelekea Mungu;

kisha wapate msamaha wa dhambi zao, na urithi miongoni mwao waliotakaswa kwa imani iliyo kwangu mimi. —Matendo 26:18

Atendaye dhambi ni wa Ibilisi; kwa kuwa Ibilisi hutenda dhambi tangu mwanzo. Kwa kusudi hili Mwana wa Mungu alidhihirishwa, ili azivunje kazi za Ibilisi.

—1 Yohana 3:8

Ni nani atakayetutenga na upe ndo wa Kristo? Je! ni dhiki, au shida, au adha, au njaa, au uchi, au hatari, au upanga? Lakini katika mambo hayo yote tunashinda, na zaidi ya kushinda, kwa yeye aliyetupenda. —Warumi 8:35, 37

Nasi tu mashahidi wa mambo yote aliyoyatenda katika nchi ya Wayahudi na katika Yerusalemu; ambaye walimwua wakamtundika mtini. Huyo Mungu alimfufua siku ya tatu, akamjalia kudhihirika, si kwa watu wote, bali kwa mashahidi waliokuwa wamekwisha kuchaguliwa na Mungu, ndio sisi, tuliokula na kunywa pamoja naye baada ya kufufuka kwake kutoka kwa wafu. —Matendo 10:39-41

Naye alipofufuka alfajiri siku ya kwanza ya juma, alimtokea kwanza Mariamu Magdalene, ambaye kwamba alimtoa pepo saba.

—Marko 16:9

Basi, baada ya siku nane, wanafunzi wake walikuwamo ndani tena, na Tomaso pamoja nao. Akaja Yesu, na milango imefungwa, akasima ma katikati, akasema, Amani iwe kwenu. Kisha akamwambia Tomaso, Lete hapa kidole chako; uitazame mikono yangu; ulete na mkono wako utie ubavuni mwangu; wala usiwe asiyeamini, bali aaminiye. Tomaso akajibu, akamwambia, Bwana wangu na Mungu wangu! —Yohana 20:26-28

Ambaye alitolewa kwa ajili ya makosa yetu, na kufufuliwa ili tupate kuhesabiwa haki.

—Warumi 4:25

Na Kristo akiwa ndani yenu, mwili wenu umekufa kwa sababu ya dhambi; bali roho yenu i hai, kwa sababu ya haki. Lakini, ikiwa Roho wake yeye aliyemfufua Yesu katika wafu anakaa ndani yenu, yeye aliyemfufua Kristo Yesu katika wafu ataihuisha na miili yenu iliyo katika hali ya kufa, kwa Roho wake anayekaa ndani yenu. —Warumi 8:10, 11

Saa inakuja, na sasa ipo, wafu watakapoisikia sauti ya Mwana wa Mungu, na wale waisikia watakuwa hai. Msistaajabie maneno hayo; kwa maana saa yaja, ambayo watu wote waliomo makaburini wataisikia sauti yake. Nao watato-

ka; wale waliofanya mema kwa ufufuo wa uzima, na wale walio-tenda mabaya kwa ufufuo wa hukumu. —Yohana 5:25b, 28, 29

Hamfahamu ya kuwa sisi sote tuliobatizwa katika Kristo Yesu tuliobatizwa katika mauti yake? Basi tulizikwa pamoja naye kwa njia ya ubatizo katika mauti yake, kusudi kama Kristo alivyofufuka katika wafu kwa njia ya utukufu wa Baba, vivyo hivyo na sisi tuenende katika upya wa uzima. Kwa maana kama tulivyounganika naye katika mfano wa mauti yake, kadhalika tutauanganika kwa mfano wa kufufuka kwake. —Warumi 6:3-5

Basi, wapenzi wangu, kwa kuwa tuna ahadi hizo, na tujitakase nafsi zetu na uchafu wote wa mwili na roho, huku tukitimiza utakatifu katika kumcha Mungu.

—2 Wakorintho 7:1

Basi ikiwa mtu amejitakasa kwa kujitenga na hao, atakuwa chombo cha kupata heshima, kilichosafishwa, kimfaacho Bwana, kimetengenezwa kwa kila kazi iliyo njema.

—2 Timotheo 2:21

Kama vile Mungu Baba alivyotangulia kuwajua katika kutakaswa na Roho, hata mkapata kutii na kununyiziwa damu ya Yesu

Kristo. Neema na amani na ziongezwe kwenu. —1 Petro 1:2

Bali kama yeye aliyewaita alivyo mtakatifu, ninyi nanyi iweni watakatifu katika mwenendo wenu wote. —1 Petro 1:15

Kama vile alivyotuchagua katika yeye kabla ya kuwekwa misingi ya ulimwengu, ili tuwe watakatifu, watu wasio na hatia mbele zake katika pendo. —Waefeso 1:4

Jitahidi kujionyesha kuwa ume-kubaliwa na Mungu, mtenda kazi asiye na sababu ya kutahayari, ukitumia kwa halali neno la kweli.

—2 Timotheo 2:15

Na hapo patakuwa na njia kuu, na njia, nayo itaitwa, Njia ya utakatifu; wasio safi hawatapita juu yake; bali itakuwa kwa ajili ya watu hao; wasafirio, wajapokuwa waji-nga, hawatapotea katika njia hiyo.
—Isaya 35:8

Kwa ajili hii Yesu naye, ili awatakase watu kwa damu yake mwenyewe, aliteswa nje ya lango.
—Waebrania 13:12

Tukiziungama dhambi zetu, Yeye ni mwaminifu na wa haki hata atuondolee dhambi zetu, na kutusafisha na udhalimu wote.
—1 Yohana 1:9

Kweli mimi nawabatiza kwa maji kwa ajili ya toba; bali yeye ajaye nyuma yangu ana nguvu kuliko mimi, wala sistahili hata kuvichukua viatu vyake; yeye atabatiza kwa Roho Mtakatifu na kwa moto.
—Mathayo 3:11

Ya kwamba atatujalia sisi, Tuo-
koke mikononi mwa adui zetu, Na
kumwabudu pasipo hofu, Kwa
utakatifu na kwa haki Mbele zake
siku zetu zote. —Luka 1:74, 75

Mkavae utu mpya, uliumbwa kwa
namna ya Mungu katika haki na
utakatifu wa kweli. —Waefeso 4:24

42 WATU WALIOJAZWA NA ROHO MTAKATIFU

Nami nitatia roho yangu ndani yenu, na kuwaendesha katika sheria zangu, nanyi mtazishika hukumu zangu, na kuzitenda.

—Ezekieli 36:27

Lakini ikiwa Roho wa Mungu anakaa ndani yenu, ninyi hamwufuati mwili; bali mwaifuata roho. Lakini mtu awaye yote asipokuwa na Roho wa Kristo, huyo si wake.

—Warumi 8:9

Maana alikuwa mtu mwema amejaa Roho Mtakatifu na imani; watu wengi wakaongezeka upande wa Bwana.

—Matendo 11:24

Basi, ikiwa ninyi mlio waovu mnajua kuwapa watoto wenu vipawa vyema, je! Baba aliye mbinguni hatazidi sana kuwapa Roho Mtakatifu hao wamwombao?

—Luka 11:13

Lakini mtapokea nguvu, akiisha kuwajilia juu yenu Roho Mtakatifu; nanyi mtakuwa mashahidi wangu.

—Matendo 1:8a

Hata walipokwisha kumwomba Mungu, mahali pale walipokusanyika pakatikiswa, wote wakajaa Roho Mtakatifu, wakanena neno la Mungu kwa ujasiri.

—Matendo 4:31

BWANA yu karibu nao waliovu-njika moyo, Na waliopondeka roho huwaokoa. —Zaburi 34:18

Maana mkono wangu ndio ulio-fanya hivi vyote, vitu hivi vyote vi-kapata kutokea, asema **BWANA**; lakini mtu huyu ndiye nitakaye-mwangalia, mtu aliye mnyonge, mwenye roho iliyopondeka, atete-mekaye asikiapo neno langu.

—Isaya 66:2

Wapenzi, msione kuwa ni ajabu ule msiba ulio kati yenu, unaowap-ata kama moto ili kuwajaribu, kana kwamba ni kitu kigeni kiwa-patacho. Lakini kama mnavyoya-

shiriki mateso ya Kristo, furahini; ili na katika ufunuo wa utukufu wa-ke mfurahi kwa shangwe.

—1 Petro 4:12, 13

Naye atafuta kila chozi katika ma-cho yao, wala mauti haitakuwapo tena; wala maombolezo, wala kilio, wala maumivu hayatakuwapo tena; kwa kuwa mambo ya kwanza ya-mekwisha kupita. —Ufunuo 21:4

Umtumaini **BWANA** ukatende me-ma, Ukae katika nchi, upendezwe na uaminifu. —Zaburi 37:3

Yesu akamwambia, Ukiweza! Yote yawezekana kwake aaminiye.

—Marko 9:23

Na kwa kuwa mwenyewe alite-swa alipojaribiwa, aweza kuwasai-dia wao wanaojaribiwa.

—Waebrania 2:18

Jaribu halikuwapata ninyi, isipo-kuwa lililo kawaida ya wanadamu; ila Mungu ni mwaminifu; ambaye hatawaacha mjaribiwe kupita mwe-zavyo; lakini pamoja na lile jaribu atafanya na mlango wa kutokea, ili mweze kustahimili.

—1 Wakorintho 10:13

Naye Mungu wa amani atamseta Shetani chini ya miguu yenu upesi. Neema ya Bwana wetu Yesu Kristo na iwe pamoja nanyi.

—Warumi 16:20

Kwa kuwa hatuna kuhani mkuu asiyeweza kuchukuana nasi katika mambo yetu ya udhaifu; bali yeye alijaribiwa sawasawa na sisi katika mambo yote, bila kufanya dhambi.

—Waebrania 4:15

Upitapo katika maji mengi nita-kuwa pamoja nawe; na katika mito, haitakugharikisha; uendapo katika moto, hutateketea; wala mwali wa moto hautakuunguza. —Isaya 43:2

Nasi twajua ya kuwa katika ma-mbo yote Mungu hufanya kazi pa-moja na wale wampendao katika kuwapatia mema, yaani, wale wa-lioitwa kwa kusudi lake.

—Warumi 8:28

Yeye ashindaye atayarithi haya, nami nitakuwa Mungu wake, naye atakuwa mwanangu.

—Ufunuo 21:7

Yeye ashindaye atavikwa hivyo mavazi meupe, wala sitalifuta kamwe jina lake katika kitabu cha uzima, nami nitalikiri jina lake mbele za Baba yangu, na mbele ya malaika zake.

—Ufunuo 3:5

Yeye ashindaye, nitampa kuketi pamoja nami katika kiti changu cha enzi, kama mimi nilivyoshinda nikaketi pamoja na Baba yangu katika kiti chake cha enzi.

—Ufunuo 3:21

Yeye ashindaye, nitamfanya kuwa nguzo katika hekalu la Mungu wangu, wala hatatoka humo tena kabisa, nami nitaandika juu yake jina la Mungu wangu, na jina la mji wa Mungu wangu, huo Yerusalemu mpya, ushukao kutoka mbinguni kwa Mungu wangu, na jina langu mwenyewe, lile jipya.

—Ufunuo 3:12

Yeye aliye na sikio, na alisikie neno hili ambalo Roho ayaambia makanisa. Yeye ashindaye, nitampa kula matunda ya mti wa uzima, ulio katika bustani ya Mungu.

—Ufunuo 2:7

46 MUNGU ANENA NASI KUHUSU TALAKA

Lakini mimi nawaambia, Kila mtu amwachaye mkewe, isipokuwa kwa habari ya uasherati, amfanya kuwa mzinzi; na mtu akimwoa yule aliyeachwa, azini.

—Mathayo 5:32

Kila amwachaye mkewe na kumwoa mke mwingine azini; naye amwoaye yeye aliyeachwa na mumewe azini.

—Luka 16:18

Lakini wale waliokwisha kuoana nawaagiza; wala hapo si mimi, ila Bwana; mke asiachane na mumewe; lakini, ikiwa ameachana naye, na akae asiolewe, au apatane na mumewe; tena mume asimwache mkewe.

Mwanamke hufungwa maadamu mumewe yu hai, lakini ikiwa mume-we amefariki, yu huru kuolewa na mtu ye yote amtakaye; katika Bwana tu.

—1 Wakorintho 7:10, 11, 39

Kwa maana mwanamke aliye na mume amefungwa na sheria kwa yule mume wakati anapokuwa yu hai; bali akifa yule mume, amefunguliwa ile sheria ya mume. Basi wakati awapo hai mumewe, kama akiwa na mume mwingine huitwa mzinzi. Ila mumewe akifa, amekuwa huru, hafungwi na sheria hiyo, hata yeye si mzinzi, ajapoolewa na mume mwingine.

—Warumi 7:2, 3

Basi mimi nikienda na kuwaandalia mahali, nitakuja tena niwakaribishe kwangu; ili nilipo mimi, nanyi mwepo. —Yohana 14:3

Wakasema, Enyi watu wa Galilaya, mbona mmesimama mkitazama mbinguni? Huyu Yesu aliye-chukuliwa kutoka kwenu kwenda juu mbinguni, atakuja jinsi iyo hiyo mlivyomwona akienda zake mbinguni. —Matendo 1:11

Nanyi vumilieni, mthibitishe miyo yenu, kwa maana kuja kwake Bwana kunakaribia. —Yakobo 5:8

Maana kila mtu atakayenionea haya mimi, na maneno yangu, katika kizazi hiki cha uzinzi na dha-

mbi, Mwana wa Adamu atamwonea haya mtu huyo, atakapokuja katika utukufu wa Baba yake pamoja na malaika watakatifu.

—Marko 8:38

Ndipo itakapoonekana ishara yake Mwana wa Adamu mbinguni; ndipo mataifa yote ya ulimwengu watakapoomboleza, nao watamwona Mwana wa Adamu akija juu ya mawingu ya mbinguni pamoja na nguvu na utukufu mwingi.

—Mathayo 24:30

Nanyi jiwekeni tayari, kwa kuwa saa msiyodhani ndipo ajapo Mwana wa Adamu. —Luka 12:40

48 NENO LA MUNGU

Mbingu na nchi zitapita, lakini maneno yangu hayatapita kamwe.

—Luka 21:33

Maana unabii haukuletwa po pote kwa mapenzi ya mwanadamu; bali wanadamu walinena yaliyotoka kwa Mungu, wakiongozwa na Roho Mtakatifu.

—2 Petro 1:21

Kila andiko, lenye pumzi ya Mungu, lafaa kwa mafundisho, na kwa kuwaonya watu makosa yao, na kwa kuwaongoza, na kwa kuwaa-dibisha katika haki.

—2 Timotheo 3:16

Neno lako ni taa ya miguu yangu, na mwanga wa njia yangu.

—Zaburi 119:105



OMBA NA SAMEHE

Basi ninyi salini hivi; Baba yetu uliye mbinguni, Jina lako litukuzwe, Ufalme wako uje, Mapenzi yako yamimizwe, hapa duniani kama huko mbinguni. Utupe leo riziki yetu. Utusamehe deni zetu, kama sisi nasi tuwasamehevyo wadeni wetu. Na usitutie majaribuni, lakini utuokoe na yule mwovu. [Kwa kuwa ufalme ni wako, na nguvu, na utukufu, hata milele. Amina.] Kwa maana mkiwasamehe watu makosa yao, na Baba yenu wa mbinguni atawasamehe ninyi. Bali msipowasamehe watu makosa yao, wala Baba yenu hatawasamehe ninyi makosa yenu.

—Mathayo 6:9-15

NJIA YA MUNGU YA WOKOVU

Ninamhitaji Mwokozi.

Kwa sababu wote wamefanya dhambi, na kupungukiwa na utukufu wa Mungu. —Warumi 3:23

Lakini maovu yenu yamewafariki kisha ninyi na Mungu wenu.
—Isaya 59:2a

Kristo alinifia.

Kwa maana Kristo naye aliteswa mara moja kwa ajili ya dhambi, mwenye haki kwa ajili yao wasio haki, ili atulete kwa Mungu.
—1 Petro 3:18a

Ninahitaji kutubu dhambi zangu.

Tubuni basi, mrejee, ili dhambi zenu zifutwe, zipate kuja nyakati

za kuburudishwa kwa kuwako kwake Bwana. —Matendo 3:19a

Afichaye dhambi zake hatafani kiwa; Bali yeye aziungamaye na ku ziacha atapata rehema.
—Mithali 28:13

Ni Lazima nimpokee Yesu kwa imani.

Bali wote waliompokea aliwapa uwezo wa kufanyika watoto wa Mungu, ndio wale waliaminio jina lake.
—Yohana 1:12

Ninaweza kuwa na uhakika wa wokovu wangu.

Yeye aliye naye Mwana, anao huo uzima. —1 Yohana 5:12a

Published in numerous languages as God supplies funds in answer to prayer. If you would like more copies for prayerful distribution, write in English. Specify which language(s) you need and how many booklets.
World Missionary Press, PO Box 120, New Paris, IN 46553-0120 USA



Read booklets online or by App
www.wmp-readonline.org

www.wmpress.org

8-17

42 Kiswahili HFA